

Buletineko gaiak:

1. Korrika Txikia: ekarri katekorratzak
 2. Korrika: Haurtzaroren kilometroa
- Apartekoak

Berri orokorrak

1. Korrika Txikia: apirilaren 8rako oharra

Ikasleek Korrika txikian erabiliko dituzten petoak jartzeko 4 katekorratz ekarri behar dituzte ikastolara astelehenerako.

Apirilaren 8an, ostirala, arratsaldeko 15:00ak aldera Haurtzaro Ikastola eta Elizalde Ikastetxearen artean dagoen biribilgunetik aterako da Korrika Txikia. Bertan parte hartzeko HH eta LHko **ikasleek dagokien koloreko kamiseta jantzita ekarri behar dutela gogorarazten dizuegu:**

- **HH3:** kamiseta urdina
 - **HH4:** kamiseta gorria
 - **HH5:** kamiseta beltza
 - **LH1:** kamiseta gorria
 - **LH2:** kamiseta urdina
 - **LH3:** kamiseta gorria
 - **LH4:** kamiseta beltza
 - **LH5:** kamiseta txuria
 - **LH6:** kamiseta urdina
- **Hau izango da ibilbidea eta honakoak lekuko aldaketak:**
 - Irubideko biribilgunetik abiatu eta Zumitz paretik pasatu eta parkingaren parean aldaketa. **3 urtekoak. Haurtzaro.**
 - Parking paretik bidegurutzeko etxearen (Pikain) sarreraraino. 4 urtekoak. Elizalde.
 - Pikain etxearen sarreratik Pikabeneko biribilgunea pasatu arte. **5 urtekoak. Haurtzaro.**
 - Pikabeneko biribilgunean abisatu Isastiko gainean aldaketa. LH1. maila Elizalde.
 - Isastiko gainetik Matteoraino. LH2. maila Elizalde.



- Ugaldetxotik Iturrialderaino (gasolindegira). **LH3. maila Haurtzaro.**
- Iturrialdetik Iturriotz auzoraino. LH4. maila Elizalde.
- Iturriotz auzotik bidegorrira eta hemendik Altzibarko bidegorriko stop-eraino. **LH5. maila Haurtzaro.**
- Altzibarko bidegorriko stop-etik Done Eztebe plazara. LH6. maila Elizalde.

2. Korrika, apirilaren 9tik 10era gaua: Haurtzaroren kilometroa

Korrika Oiartzundik **apirilaren 9ko gauean igaroko da (zehazki, apirilaren 10eko goizaldean)**. Haurtzaro Ikastolak **03:25ean** hartuko du lekukoa 2.462. kilometroan, **Beko plazako biribilgunean hasi eta kiroldegi pareraino**, eta Eskuttuneko kide diren ikasleek eramango dute.

Apartekoak

1. Korrika: herriko ibilbidea eta egitaraua

Korrika ate-joka dugu eta Oiartzungo antolaketa bideratuta du AEK Euskaltegiak. **Herriko ibilbidearen eta egitarauaren berri** emateko kartelak prestatu dituzte eta zuekin partekatu nahi ditugu. **ATXIKITA DITUZUE.**

2. Apirilak 2, Abaraxka: Korrikako petoak sortu eta antzerkia

Bihar, larunbata apirilak 2, hitzordu berezia izango da Abaraxka ludotekan, Korrikari begira. **16:30ean** jarri dute hitzordua, datorren asteburuan **Gazte Korrikan parte hartzeko petoak sortzeko. Ondoren, udaletxera** joango dira parte-hartzaileak, **'Korrika klik: museoan barrena' antzerkia** ikustera. Animatu!

3. Apirilak 8: udalekuetan izena emateko azken eguna

HH3tik LH6rako ikasleentzat herriko udalekuetan izena emateko epea zabalik dago. Gogoratu **apirilaren 8an itxiko** dutela. Izen-ematea <http://www.gazteoiartzun.net/euskaraz-2/> blogean egin dezakezue.

Apuntatzearekin batera, **haurraren osasun txartela, ordainagiria eta adin txikikoen datu babesa** bete eta entregatu behar dituzue.

